



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

An. Neapolitano Archiepiscopo.

urn:nbn:de:hbz:466:1-20006

auribus est relatum, in Ecclesiæ tibi cõmissæ stipendiis obtinendis, quod iniquum est & absurdum, imperiti magistris, novi antiquis, rudes emeritis præferuntur. Vnde Iohannes filius quondam * Comitis Aliern. Ecclesiæ tuæ Clericus plus potentia patris sui quàm prædecessoris tui spontanea voluntate ultra viginti Ecclesiâs in civitate Neapolitan. & in majori Ecclesia beneficium maximum proponitur obtinere. Cùm ergo in nullius persona prætermittendum sit quod in statutis generalibus continetur, fraternitati tuæ auctoritate præsentium indulgemus ut non obstante appellationis diffugio superfuitatem ad moderamen reducâs, non plus de redditibus ecclesiasticis Clerico præfato dimittens quàm apud unum de plus habentibus noscitur residere; aliis omnibus beneficiis personis idoneis conferendis, quæ cùm officiis divinis inserviant, nondum adeptæ sunt stipendia Clericorum. Nulli ergo &c. concessionis &c. Datum Laterani Idibus Novembris.

*AN. NEAPOLITANO
Archiepiscopo.*

AD nostram noveris audientiam pervenisse quòd dudum à te quasi per extorsionem tale fuit præstitum juramentum, quòd in omni causa deberes ordinem judicarium observare. Verùm quoniam secundum traditiones canonicas manifesta accusatione non indigent, nec in eis est ordo judicarius observandus, qui debet in aliis observari, neque tu, quando sub præmissio tenore jurasti, habebas in mente ut propterea venires contra canonicas sanctiones; (alioquin non juramentum, sed perjurium potius exstitisset, nec aliqua ratione servandum) nos juramentum tuum benigniùs interpretari volentes, ita quòd consonet canonicis institutis, fraternitati tuæ auctoritate præsentium intimamus quòd in manifestis & notoriis ratione juramenti præmissi non credimus te teneri servare * subtilitatem ordinis judicarij, quam in his non servari per omnia ipsa quoque juris ratio postulat & requirit. Vnde videbitur, nec immeritò, subtiliter intuenti de ordine judiciorum procedere ut in præmissis non per omnia ordo judicarius observetur: quanquam & secundum approbatum intellectum scripturæ divinæ rectè

possit intelligi quòd jurasti ut in omnibus causis ordinem judicarium observares, in illis videlicet in quibus est ordo judicarius observandus. Sic ergo faciens, & juramenti tenorem servabis, & instituta canonica non omittes. Datum Laterani XVIII. Kal. Decembris.

*ABBATIBVS, ABBATISSIS
& aliis Ecclesiarum Prælati Ecclesiæ
Neapolitanæ subjectis.*

CVM sacris canonibus caveatur ne Abbatibus, Presbyteris, aliisque ministris de rebus ecclesiasticis vel sacro ministerio deputatis absque permissione ac subscriptione sui Episcopi aliquid alienare liceat, vel etiam obligare, non possumus non mirari quòd, sicut nostro est apostolatu referatum, possessiones Ecclesiarum donare, vendere præsumitis, & locare, venerabili fratre nostro A. Neapolitano Archiepiscopo nullatenus requisito. Cùm itaque cautum sit jure canonico & humano ut quæ contra leges fiunt, habeantur pro inutilibus & infectis, universitati vestræ per apostolica scripta præcipiendo mandamus quatenus ab his quæ præmissimus desistentes, bona Ecclesiarum, quarum conditionem meliorem potestis facere, non pejorem, nisi necessitas vel utilitas exegerit manifesta, & sine licentia præfati Archiepiscopi, alienare in præjudicium Ecclesiarum vestrarum nullatenus attentetis. Alioquin eidem Archiepiscopo dedimus in mandatis ut si aliter à vobis temerè factum fuerit, auctoritate nostra & sua, prout jus expostulat, decernat irritum & inane. Datum Laterani XVII. Kalend. Decembris.

*AN. NEAPOLITANO
Archiepiscopo.*

Sicut nostris est auribus intimatum, Ecclesia Neapolitana tanto premittitur onere debitorum, quòd aliter liberari non poterit, nisi de ipsius possessionibus distrahatur, quod tu occasione juramenti post consecrationem, sicut moris est, præstiti, quo inter alia vendi possessiones Ecclesiæ prohibentur, absque licentia nostra facere non attentas. Nos igitur attendentes quòd hujusmodi sacramenta sint ob favorem Ecclesiarum introducta, nec in earum debeant retorqueri læsionem, plenam de tua discretionem fiduciam obtinentes, ut pro Eccle-

H h iij

* In Tertia Col. l. 7. Avernensis Comitissæ

Epist. 415. Quod juramentum bonis moribus & juri repugnans non sit obligatorium. Cap. Ad nostram. De jurjur.

* In Tertia Col. l. 7. solennitatem

Epist. 416. Ne bona & res Ecclesiæ alienentur.

Epist. 417. Propter debita Ecclesiæ aliqua vendere licet.

sia tuæ debitis perfolvendis, de ipsius Ecclesie possessionibus minùs utilibus, cum de mobilibus debita nequeant expediri, secundùm instituta canonica, de consilio tuorum vendere valeas Clericorum, auctoritate tibi præsentium indulgemus. Datum Laterani Idibus Novembris.

DECANO ET CAPITULO
beati Hilarij Pictaven.

Epist. 418.
Ve Petro nepoti Aimerici de Partiniaco præbendam conferant.
Vide supra epist. 89.

SI eam quæ apud nos plenitudo refidet potestatis, qua non extollimur in superbiam, sed ad providentiam excitamur, considerassetis attentè, & quæ facta nostra prosequi perfectione velimus, voluissetis subtilius intueri, nunquam cor vestrum in tantæ præsumptionis audaciam ascendisset, ut, sicut testimonio multorum accepimus, tam temerè nostris præsumeretis institutionibus obviare. Recolimus siquidem quòd defuncto quondam in Vrbe magistro Aimerico de Partiniaco, erga dilectum filium Petrum nepotem ipsius non potuerimus misericordia non moveri, quem videntes omni consilio & auxilio destitutum, ad provisionem ejus fuimus vehementius excitati; sicque ad desolationis suæ remedium, præbendam quam idem avunculus ejus in Ecclesia vestra olim habuerat, sicut de plenitudine potestatis nobis concessa licebat, ei misericorditer duximus conferendam, de ipsa per anulum propriis manibus investientes eundem, eamque ipsi auctoritate apostolica confirmantes, ne investitura nostra sive donatio sperato posset effectu quorumlibet temeritate privari. Vnde cum vobis præcepissemus districtè ut ipsum ob sedis apostolicæ reverentiam, ejusque probitatis obtentum, in vestrum fratrem & Canonicum admittentes, jamdictæ præbendæ beneficium, sicut illam avunculus ipsius olim noscitur habuisse, contradictione, oc. & ap. cessantibus, sine difficultate qualibet assignare minimè differretis, vos id noluisse exequi, ut decebat, licèt venerabilis frater noster Burdegalen. Archiepiscopus, sicut ex literis ejus accepimus, bonæ memoriæ A. Pictaven. Episcopi volens supplere defectum, qui super hoc à nobis datus fuerat executor, nostrumque tanquam providus & discretus propositum adjuvare, vos ad id cum suis literis monuisset. Nos igitur, licèt ex hoc, nec immeritò, contra vos commotionis materiam habea-

mus, vobiscum in spiritu lenitatis & mansuetudinis adhuc agere cupientes, per iterata vobis scripta mandamus, & in obedientiæ virtute districtè præcipimus, quatenus prout in mandatis nostris, ut dictum est, recepistis, dilationis, occasionis, exceptionis, & appellationis summo diffugio, non obitante etiam si interim propter hoc nuntium ad sedem apostolicam transmisistis, præfato P. dictum beneficium cum fructibus post præsentationem literarum nostrarum perceptis, tam libenter, quàm liberaliter, absque difficultate qualibet assignetis. Alioquin noveritis nos venerabilibus fratribus nostris Bituricen. & Burdegalen. Archiepiscopis præcipiendo mandasse ut si infra viginti dies post susceptionem præsentium mandatum nostrum non duxeritis effectui mancipandum, illos quos contumaces invenerint & rebelles, sublato cujuslibet occasionis & appellationis obstaculo excommunicationis vinculo innodantes, Ecclesiam ipsam subjiciant interdicto. Quòd si nec sic infra duos menses poteritis emolliri, iidem nullam sententiarum illarum aliquatenus relaxari permittant; sed tamdiu singulis diebus dominicis & festivis, pulsatis campanis, & extinctis candelis, prædictam excommunicationis sententiam per totam provinciam Burdegalen. publicè faciant innovari, donec prædictus P. plenam & pacificam ipsius præbendæ possessionem habuerit, & pro tanto satisfacturi excessu nostro vos duxeritis conspectui præsentandos; rebelles nihilominus ab omni ecclesiastico beneficio suspendentes, ut saltem pœna coërceat quos obedientia non emollit. Si quid etiam post receptionem literarum in Ecclesia vestra ordinatum fuerit vel statutum, per quod mandatum nostrum possit eludi, aut etiam impediri, illud irritum decernimus & inane. Datum Laterani II. Idus Novembris.

ABSALONI LUNDEN.
Archiepiscopo, ejusque successoribus
canonicè substituendis in perpetuum.

IN eminenti apostolicæ sedis specula disponente Domino constituti, salubriter injuncti nobis officij exequimur actionem, si ea quæ per antecessores nostros ad salutem fidelium instituta noscuntur, consensu nostro firmamus, & ne cuiuslibet temeritatis quatiantur incursu,

Epist. 419.
De primatu
Archiepiscop
Lundenis.